

Awe Gobierno y sindicatonan lo sinta hunto atrobe:

Gobierno ta considera cu nan ta cumpliendo cu e 3% solicita

ORANJESTAD (AAN)—

Durante e rueda di prensa semanal di Gobierno, a bin ariba mesa e topico riba cual sindicatonan a bringa hopi den e dianan aki, esta pago di Indexering.

Ministerio di Finanzas a referi na esaki caminda a ser informa cu ta bon pa gobierno duna nan banda di medaya di locual a worde proponi.

Ta asina cu gobierno a reuni dia 19 di Januari cu sindicatonan, caminda e momento ey caba e proposicion di SEPPA tabata ariba mesa, ya cu e otro sindicatonan no a presenta cu nan proposicion. Den e reunion aki a dicidi cu e proposicion di SEPPA ta esun cu lo ser tuma pa hiba e discusionnan.

Dia 2 di Februari atrobe nan a sinta hunto y gobierno a presenta un proposicion na sindicatonan, caminda cu gobierno a bisa cu den nan punto di bista locual ta posible ta subi e "Gelijkbedrag" di 896 florin pa 1115 florin y tambe subi e "Vakantie Uitkering" di 7% pa 8.33% locual ta significa cu e empleado publico lo bay cas cu un salario completo na Juni.

Segun e mandatario, na momento cu gobierno a trece e proposicion aki dilanti den e reunion aki, e sindicatonan a laga sa cu esaki ta un insulto y cu nan lo no ta acepta esaki y cu gobierno mester a bay bek den nan



seno y mira kico mas nan lo por haya.

Gobierno a priminti nan cu nan lo bay bek y cu lo haci un otro intento pa wak con leu lo por yega. Sinembargo, a wordo indica cu e espacio entre gobierno y sindicatonan lo keda hopi grandi y cu gobierno no ta mira cu nan lo bay yega cerca di e proposicion di e sindicatonan pa locual nan tin ariba mesa. Ta asina cu gobierno a mira

den cada ministerio cual tabata e espacio cu nan lo por tin y esaki a conduci na e carta di gobierno di dia 14 di Februari caminda e proposicion concreto na e momentonan aki ta cu gobierno ta dispuesto pa subi e "Gelijkbedrag" di 896 florin pa 1115 florin cu lo ser paga na November. Gobierno tambe a bisa cu nan lo subi e "Vakantie Uitkering" di 7% pa 8 1/3%, locual ta nifica cu e lo bira un salario completo y cu lo ser paga na Juni y como extra, banda di e dosnan aki gobierno ta considera tambe di introduci un "Bashi Premie" di 320 florin cu lo ser paga hunto cu e salario di Januari. Mirando e hecho cu nos a pasa Januari caba, gobierno ta dispuesto pa paga esaki den luna di Maart benidero.

Gobierno ta considera cu e tres puntonan aki cu nan a duna ta cumpli cu nan banda pa loke ta e espacio

financiero di un forma responsable pa asina por cumpli cu e perdida di compra. A agrega cu e total di esakinan ta suma un tiki mas cu 3%, o sea, cu nan lo cumpli cu e parti di 3%. "Hecho ta cu nos no a hinke dentro di e salarionan. Nos a scoge pa e parti secundario, locual ta "Vakantie Uitkering", locual ta "Gelijkbedrag" y locual ta un "Bashi Premie" pakico?, pa e motibo cu nos a splica cu den gobierno na Aruba sin cu bo haci nada, e pay roll di gobierno ta subi pa aña 2 pa 3 porciento y esey ta mara na bevordering cu tin etc, etc. Segun gobierno si ta pone indexering den esaki ta bay haya e efecto acumulativo, caminda no ta kere cu e tendencia ey lo ta responsable pa e gobierno aki, pero tampoco pa e gobiernonan den futuro. Pa e motibo anterior, gobierno ta kere cu nan a


cumpli cu e 3% pero den sumanan secundario cu ta e "Bashi Premie", e "Vakantie Uitkering" y e "Gelijkbedrag".

Cu esaki, esnan cu ta gana menos den gobierno cu e subida aki lo ta mas cu 3%, o sea cu tur hende lo haya un suma igual, contrario na momento cu si lo hinke den un indexering ta esnan cu ta gana mas ta bay haya tambe mas. Esaki kiermen cu esnan cu ta gana menos, nan porcentahe di subida lo ta hopi mas cu e 3% cu a bin dilanti.

Finalmente, gobierno ta di opinion cu door di esaki nan ta cumpli cu locual ta e peticion di e sindicatonan basa ariba un maneho Social Democra -basa riba esnan cu ta gana menos-, kendenan lo ricibi un suma cu ta hustifica pa nan. Cu esaki, gobierno ta haci un apelacion na e sindicatonan pa nan tambe razona y asina por yega na un solucion basa ariba e proposicion aki.

Nota di redaccion: E reunion cu a wordo palabra pa ayera, entre sindicatonan y gobierno a wordo cambia pa awemainta 11'or, pesey, awe lo por tende di e resultadonan di e reunion aki.

NO TIN AWA PA LABA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Toaster
Afl. 19,95